



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՏԱՎՈՒՇԻ ՄԱՐԶ  
ԴԻԼԻՋԱՆԻ ՔԱՂԱՔԱՊԵՏԱՐԱՆ**

**ՀԱՄԱՅՆՔԻ ՂԵԿԱՎԱՐԻ ՈՐՈՇՈՒՄ ԹԻՎ 619**

ՀՀ, ք. Դիլիջան, Մյասնիկյան 55, Հեռ. (+374 268) 2-25-85,  
Ֆաքս (+374 268) 2-33-62

27 հոկտեմբեր 2011թ.

**ՔԱՂ. ՍՈՒՐԵՆ ՂԱՐԱՔԵՇԻՇՅԱՆԻ, ԴԻԼԻՋԱՆԻ ՀԱԿՈՒԲՋԱՆՅԱՆ ՓՈՂՈՑԻ ԹԻՎ 92/1  
ՀԱՍՑԵԻ ԲՆԱԿԵԼԻ ՏԱՆ ԵՎ ՀՈՂԱՄԱՍԻ ԻՐԱՎԱԿԱՆ ԿԱՐԳԱՎԻՃԱԿԻ ՄԱՍԻՆ**

Քաղաքապետարան է դիմել քաղ. Սուրեն Անուշավանի Ղարաքեշիշյանը՝ Հակոբջանյան փողոցի թիվ 92 հասցեի բնակելի տան տնամերձ հողամասին հարակից տարածքում կառուցված բնակելի տան և վերջինիս սպասարկման հողամասի իրավական կարգավիճակի որոշման խնդրանքով:

Քաղաքապետարանի քաղաքաշինության և հողօգտագործման հարցերի հանձնաժողովը նշում է, որ Դիլիջանի Հակոբջանյան փողոցի թիվ 92 հասցեի բնակելի տան տնամերձ հողամասին հարակից տարածքում կառուցվել է բնակելի տուն դեռևս 1980-ական թվականներին, որի շինարարության թույլտվության, ինչպես նաև զբաղեցրած հողամասի հատկացման փաստաթղթերային հիմքերը պահպանված չեն: Նշված բնակելի տան տվյալները չեն հակասում քաղաքաշինական նորմերին, զբաղեցրած հողամասը չի գտնվում Հայաստանի Հանրապետության հողային օրենսգրքի 60-րդ հոդվածով սահմանված հողամասերի կազմում, այդ թվում՝ ինժեներատրանսպորտային օբյեկտների օտարման գոտիներում, չի առաջացնում սերվիտուտ: Բնակելի տունը փաստացի զբաղեցնում է 379.0քմ հողամաս /կցվում է հողամասի գլխավոր հատակագիծը/, որի նկատմամբ քաղաքացին ձեռք է բերում սեփականության իրավունք Հայաստանի Հանրապետության 2008թ. հունիսի 10-ի թիվ ՀՕ-117-Ն օրենքի ուժով:

Ելնելով վերոգրյալից և ղեկավարվելով Հայաստանի Հանրապետության կառավարության 2008թ. նոյեմբերի 13-ի թիվ 1328-Ն որոշման, Հայաստանի Հանրապետության կառավարության 2005թ. դեկտեմբերի 29-ի թիվ 2387-Ն որոշման, ինչպես նաև Հայաստանի Հանրապետության 2008թ. հունիսի 10-ի թիվ ՀՕ-117-Ն օրենքի պահանջներով՝

**ՈՐՈՇՈՒՄ ԵՄ.**

1. Քաղ. Սուրեն Ղարաքեշիշյանի կողմից կառուցված բնակելի տունը և 379.0քմ հողամասին տրամադրել հասցե՝ Հակոբջանյան փողոց թիվ 92/1:

2. Հակոբջանյան փողոցի թիվ 92/1 հասցեի բնակելի տունը և 379.0քմ հողամասը համարել քաղ. Սուրեն Անուշավանի Ղարաքեշիշյանի /ծնված 03.05.1968թ./ սեփականությունը:

3. Պարտավորեցնել քաղ. Ս. Ղարաքեշիշյանին.

1) Դիմել Հայաստանի Հանրապետության կառավարությանն առընթեր անշարժ գույքի կադաստր պետական կոմիտեի Դիլիջանի ստորաբաժանում՝ նշված անշարժ գույքի նկատմամբ սեփականության իրավունքը պետականորեն գրանցելու նպատակով:

2) «Տեղական տուրքերի և վճարների մասին» Հայաստանի Հանրապետության օրենքի և համայնքի ավագանու 2011թ. մարտի 30-ի թիվ 55-Ն որոշման համաձայն կատարել համապատասխան վճարումները:

ՀԱՄԱՅՆՔԻ ՂԵՊԱՎԱՐ



ԱՐՄԵՆ ՍԱԼԹՐՈՍՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՏԱՎՈՒՇԻ ՄԱՐԶ  
ԴԻԼԻՋԱՆԻ ՔԱՂԱՔԱՊԵՏԱՐԱՆ**

**ՀԱՄԱՅՆՔԻ ՂԵԿԱՎԱՐԻ ՈՐՈՇՈՒՄ ԹԻՎ 620**

ՀՀ, ք. Դիլիջան, Մյասնիկյան 55, Հեռ. (+374 268) 2-25-85,  
Ֆաքս (+374 268) 2-33-62

27 հոկտեմբեր 2011թ.

**ԱՌԱՋԻՆ ՊԵՏԱԿԱՆ ԳՐԱՆՑՄԱՆ ԱՇԽԱՏԱՆՔՆԵՐԻ ԻՐԱԿԱՆԱՑՄԱՆ  
ՇՐՋԱՆԱԿՆԵՐՈՒՄ ՀԱԿՈՔՁԱՆՑԱՆ ՓՈՂՈՑԻ ԹԻՎ 92 ՀԱՍՑԵԻ ՏՆԱՄԵՐԶ ՀՈՂԱՄԱՍԻՆ  
ԿԻՑ ՓԱՍՏԱՑԻ ԱՎԵԼ ՕԳՏԱԳՈՐԾՎՈՂ 55.0ՔՄ /ՄԻՆԶԵՎ 20%/ ՀՈՂԱՄԱՍԻ ՆԿԱՏՄԱՄԲ  
ՔԱՂԱՔԱՑԻՆԵՐ ԱԻՂԱ ԹԱԴԵՎՈՍՅԱՆԻ, ԱԼԲԵՐՏ ԵՎ ՍՈՒՐԵՆ ՂԱՐԱՔԵՇԻՇՅԱՆՆԵՐԻ  
ՍԵՓԱԿԱՆՈՒԹՅԱՆ ԻՐԱՎՈՒՆՔԸ ՃԱՆԱԶԵԼՈՒ ՄԱՍԻՆ**

Համաձայն 2011թ. հոկտեմբերի 25-ի ըստ օրենքի ժառանգության իրավունքի վկայագրի և 2011թ. հոկտեմբերի 25-ի սեփականության իրավունքի վկայագրի, Դիլիջանի Հակոբջանյան փողոցի թիվ 92 հասցեի բնակելի տան և տնամերձ հողամասի նկատմամբ սեփականության իրավունքը ձեռք են բերել քաղաքացիներ Աիդա Թադևոսյանը, Ալբերտ և Սուրեն Ղարաքեշիշյանները: Վերջիններս դիմել են Դիլիջանի քաղաքապետին՝ նշված տնամերձ հողամասի օրինական սահմանների ճշտման խնդրանքով:

Դիլիջանի քաղաքապետարանի քաղաքաշինության և հողօգտագործման հարցերի հանձնաժողովը նշում է, որ ըստ գույքագրման բյուրոյի կողմից տրված տեխնիկական անձնագրի, Հակոբջանյան փողոցի թիվ 92 հասցեի տնամերձ հողամասի օրինական չափը կազմում է 600.0քմ: Կատարված տեղագնման և քարտեզագրման արդյունքում պարզվել է, որ նշված տնամերձ հողամասին կից քաղաքացու կողմից փաստացի ավել օգտագործվում է 55.0քմ հողամաս, որի նկատմամբ ճանաչվում է քաղաքացու սեփականության իրավունքը (600.0քմ X մինչև 20%): /կցվում է հողամասի գլխավոր հատակագիծը/: Վերջինիս տվյալները համապատասխանում են Հայաստանի Հանրապետության հողային օրենսգրքի 64 հոդվածի 2-րդ կետի 1), 2), 3) ենթակետերի պահանջներին: Ելնելով վերոգրյալից և ղեկավարվելով Հայաստանի Հանրապետության հողային օրենսգրքի 64 հոդվածի 2-րդ կետի և Հայաստանի Հանրապետության կառավարության 1998թ. դեկտեմբերի 31-ի թիվ 867 որոշման պահանջներով՝

**ՈՐՈՇՈՒՄ ԵՄ.**

1. Դիլիջան համայնքում իրականացվող առաջին պետական գրանցման աշխատանքների իրականացման շրջանակներում Դիլիջանի Հակոբջանյան փողոցի թիվ 92 հասցեի տնամերձ հողամասի կազմում փաստացի ավել օգտագործվող 55.0քմ հողամասի նկատմամբ ճանաչել քաղաքացիներ Աիդա Թադևոսյանի, Ալբերտ և Սուրեն Ղարաքեշիշյանների սեփականության իրավունքը: Այսպիսով, Հակոբջանյան փողոցի թիվ 92 հասցեի տնամերձ հողամասի չափը կազմում է 655.0քմ /600.0քմ+55.0քմ/մինչև 20%/:

2. Պարտավորեցնել սեփականատերերին.

1) Դիմել Հայաստանի Հանրապետության կառավարությանն առընթեր անշարժ գույքի կադաստր պետական կոմիտեի Դիլիջանի ստորաբաժանում՝ նշված անշարժ գույքի նկատմամբ սեփականության իրավունքը պետականորեն գրանցելու նպատակով:

2) «Տեղական տուրքերի և վճարների մասին» Հայաստանի Հանրապետության օրենքի և համայնքի ավագանու 2011թ. մարտի 30-ի թիվ 55-Ն որոշման համաձայն կատարել համապատասխան վճարումները:

ՀԱՄԱՅՆՔԻ ՂԵԿԱՎԱՐ



ԱՐՄԵՆ ՍԱԼԹՐՈՍՅԱՆ